

A NOITE MÁIS SANGUENTA DEIXA 25 MORTOS

No inferno ucraíno

Ucraína, un país que se asoma perigosamente a unha guerra civil. Con sangue, represión e odio, estáselle roubando a revolución ao pobo, que xa conta con diversas vítimas mortais

D.G. | Kiev | 19/02/2014

O son das rúas de Kiev fala por si só, é unha auténtica guerra. Un carro blindado avanza pero acaba ardendo pola chuva de proxectís. É a resistencia que atopa a policía ao intentar desalojar a Praza da Independencia, o bastión dos manifestantes. Eles, non marchan a ningunha parte. A acometida dos carros vívese con tensión desde dentro das barricadas. Armados con foguetes artificiais, pedras e cócteles molotov, fixéronlle fronte ao asalto policial.

Unha cadea de lume separa ambos os bandos na praza. A violencia que se vive e o número de vítimas é dramático. Foi a xornada máis sanguenta no país desde que conseguiu a independencia, hai máis de dúas décadas. Hai feridos de bala en ambos os bandos. As imaxes, gravadas por videoaficionados, amosan como un home é tiroteado na propia rúa.

Nos momentos de tregua, os manifestantes xúntanse e cantan himnos. Chegan noticias da reunión entre o presidente Yanukóvich e a oposición. Unha vez máis, sen avances, porque directamente non hai diálogo.

Pola mañá, unha breve tregua en Maidán. Pero as chamadas non se apagan. Están preparados para un novo asalto.